

www.BibleForChildren.org


Mat. 8



Menaintiú tsawant nan̄kaasmatai nuatnaikiatin
namper Kananum ámiayi. Kaná péprusha
Kariréanmayauyi. Jesusa nukurísha nui_pujumiayi.
Jesussha ni unuiniamurísha nu nuatnaiyamunam
ipiaamu ármiayi.



Winiu amukámtai Jesusa nukurí_ Jesusan chicharuk
“Winiu amuukái. Peṅké takakainiatsui.” Nuyá_ ajamarmia
nuna ni nukurí_ chicharainiak “Ashí ni tana nu
umirkatarum” tímiayi.



Nuyá Jesus ajamainian “Jú muitsnum entsa áimpratarum” takuj mete áimprarmiayi. Áimprarmatai Jesus chicharainiak “Pai, ishichik shikikrum nampera chichamprin suutarum” tutai nútiksaṅ túrawarmiayi.



Nampera chichamprincha nu entsa winiu ajasún ¿tuyá_
itiarma? nuna nékachiat umar nekapsamai. Kame
ajamauka entsá júsarú ásar
nékarmai. Tura nampera
chichamprincha nuatna
nuna untsuk chicharuk
“Pénker wíniun emka
suíniatsuk.”



“Tura ejemararmataiṅkia tímianchachin suíniatsuk.
Túrasha áme^{ka} péṅker winiu ikiusam yamáí jíikchamek”
tímiayi.




Jesus ju túramu Kaná Kariréanam túrunamiayi.
Nújainkia Jesus emka ni kakarmarın
paant iniakmasmiayi. Nuna
iisar ni unuiniamurısha
Niin enentáimtusarmiayi.



Jesus Pitru jeen we Pitru tsatsarín
tsuemujai_jaa tepan wainkiamiayi.



Tura ni uwején antĩnkiam tsuémun michatramiayi. Tura nuwa_nantakin ashí ajamsarmiayi.




Nu tsawant k̄araj_ ashí jáinian iwianchrukuncha Jesusan
itiariármiai. Tura ashí nú péprunmaya_ shuar taar
wáitiniam Jesusan
káutkarmiayi.



Untsurí aentsun nánkamas sunkurjai jáinian Jesus tsuararmiayi. Tura iwianchruku armia nuna enentáiyān iwianchin jíirkiarmiayi. Jesuska íwianch nékamu asa winia náarun ántar pachisarain tusa suritkiarmiayi.



Jesuan antin_kian tsuákrattai kakarmari_jíiniun
tsuámartaj tusar ashí shuar wakeriarmiayi.
Túrawar ashí tsuámarmiayi.



Jesuska Yus Chichaman aentsun ujaak pujuiniaj ni amikrij emearun kuartu shuar tampumpuawar júkiar Jesusan itiarmiayi.



Tura jeawar untsurí aents írunu
asamtai jeá wayañniun tujintkiarmiayi.
Tuma ásar yakiini wakar jea
áañkawar tampunam ni
amikriñ Jesus pujamunam
itiararmiayi.




Tura nisha Jesus nekas tsuarattawai tu enentáimmiarín
Jesus nekáa emearun chicharuk
“Uchiru, ame yajauch
túrutairmeká
tsaṅkuramuiti”
tímiayi. “Wajaktia
tájame túram
tampuram jukim
jeemiin wetá”
tímiayi.



Nuyá Jesus uunt kanunam eṅkemámtai ni
unuiniamurisha nemariarmiayi.
Nui nase ti kakaram násenkui
antumiaṅ ti tamparintin ajas
entsa kanunam yaráná
piákmiayi. Túmain
Jesuska kanunam
kanú eṅkemiayi.



Tuíniakui Jesus chichaak “¿Urukamtai timiá ashamarum
Yus enentáimtutskesha?” tinia wajakı nasencha
entsan cha chicharkamiayi. Túram mash miyaaku
ajasmiai. Nuna wáinkiar ni
unuiniamuri ti enentáimsar
chichainiak “Juşa ¿warí
áentsuit? Nasesha
entsasha Nin
umirainiatsuk”
tiármiai.



Yuska ashí
shuaran ti anea asa, ni Uchirín chikichik
ana nuna shuaran uwemtikrarat tusa
tsaṅkatkamiayi. Tuma asa ashí shuar
Niin enentáimtana nu, jinium wécharat
tusa antsu Yusai_tuke iwiaaku
pujusárat tusa ni Uchirín
akuptúrmakmiaji.



Rum. 3:23 Túrasha ashí shuarti tunáa túraitji. Tuma asar Yusa shíirmariya_ tímianu ajastin penké jeatsji.

Rum. 6:23 Tunáa takarkumka tuke jákatniun akirmáktatui. Antsu Yuska iikia takaatsrinin_ penké ántar tuke iwiaaku pujustinian suramsattaji. Ii Uuntri_ Jesukrístujai_ tsaniñkia pujá asakrin nuna túrutmattaji.

Isr. 9:27 Ashí shuarsha chikichkí jakar nuyá_ ni túrukarman Yusai_ nekamatin áiniawai.

Ipi. 2:8,9 Jesukrístu nekas enentáimta asakrumin Yus waitnentramar uwemtikrampraiti. Ju_ka átumkeka túrunachuitrume. Antsu Yuska Niñki kuítchajai_ suramsaitrume. Shuar ni takatríjjiai_ uwempratniuitkiun_ka nañkamantu enentáimsainti winia kakarmarjai_ uwemprajai_ tusa. Nu enentáimsatniuka atsutí tusa Yuska átumka takaatsrumnin_ uwempratniun suramsamiarme.



Rum. 10:9,10 Yus Jesusan jakaan iniantkímia nu nekasaiti tu enentáimtakum tura wénumjai “Jesus winia Úuntruiti” tákum uwemprattame. Kame enentáimjjai Kristu nekas Yusa uchirínti tu nekas enentáimtakmin Yus péñkeraitme turamtatui nuyá wénumjai “Jesukrístun enentáimtajai” tákumka uwempraitme.

Jn. 3:16,17 Yuska ashí shuaran ti anea asa, ni Uchirín chikichik ana nuna shuaran uwemtikrarat tusa tsañkatakamiayi. Tuma asa ashí shuar Niin enentáimtana nu, jinium wécharat tusa antsu Yusaj tuke iwiaaku pujusárat tusa ni Uchirín akuptúrmakmiaji.



1 Jn. 5:11-13 Yus aentsun kajerak jinium surukat tusa ni Uchirín akupkachmiayi. Antsu uwentikrarat tusa akupkámiayi. Yus ni Uchirín timia juíti. Tuke iwiaaku pujutai nérenniuiti tura nu iwiaakmancha iin suramsaitji. Yusa Uchiríjiaj tsaniḡ wekaana nú shuar, nu iwiaakmajaj iwiaaku pujuiniawai. Tura Yusa Uchiríjiaj tsaniḡ wekaatsna nú shuar, nu iwiaaku átinnium pujatsui. Yusa Uchirí nekas enentáimtakrum tuke amuicha iwiaakmajaj iwiaaku pujarme. Nu nekaatarum tusan juḡna áatjarme.



Mat. 8-9; Mar. 1-2, 4; Ruk. 4, 8; Jn. 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Shuar Bible (jiv) ©2009 Avant Ministries in cooperation with
Wycliffe Bible Translators, Inc. All rights reserved.

<https://www.bible.com/bible/597/GEN.1.JIV>

©2025 Bible for Children, Inc.

www.M1914.org

www.bibleforchildren.org

